

灵宝无量度人上品妙经卷之二

<p> 道言：昔于始青天中大浮黎土，受元始度人无量上品。元始天尊初降清微，示现珠瑞，纳无鞅众，天真大神，上圣高尊，妙行真人，俱入珠中。以无量度人灵宝上品之法，众真监度，以授于我。当此之时，喜庆难言，法事粗悉，诸天复位。即于开皇五劫之初，玄龙升度天关之时，再降太丹流耀（yàn）之天。洞阳凝晖，玉玄赤境，度人万亿，以玉宸大道付授于我。元始天尊当说是经，周回十过，以召十方，始当诣座。天真大神、上圣高尊、妙行真人、玉宸大道、元师仙君、太极帝真、飞华九灵、禹余天帝、紫霞丈人、无鞅数众，乘空而来。玉虚流烟，三景焕彩，碧轮宝舆，羽辎绛盖，神锦凤罗，玄明荫几，洞空合回，神晶交炳，九气扬霞，三房旋耀，天廓地宁，碧落凝真，飙灵散景，回风混合，帝一监生，圆罗灌气，飞动八门，日珠含秀，月璧泫波，灵纲郁霭，徧周化境。元始天尊玄坐空浮玉文宝台之上，说经一徧，玉宸大圣同时称善。是时，一国男女彻听十方，无有滞碍。说经二徧，周视无极，彻然洞观。说经三徧，语音清妙，化度方来。说经四徧，一神应万，万神合真。说经五徧，三界种民，念往即至，神行无迹。说经六徧，指按二仪，倏忽周徧。说经七徧，永断生灭，亿劫长存。说经八徧，道海呈祥，玄山发瑞。说经九徧，形炼为气，气炼为神。说经十徧，自然至真，玉宸证道，十方三界，俱获超升。是时，一国是男是女，莫不同心，无有彼此，咸得长生。 道言：是时，元始天尊说经一徧，东方玉宸大道自然大神，无鞅之众，浮空而至。说经二徧，南方玉宸大道自然大神，无鞅之众，浮空而至。说经三徧，西方玉宸大道自然大神，无鞅之众，浮空而至。说经四徧，北方玉宸大道自然大神，无鞅之众，浮空而至。说经五徧，东北玉宸大道自然大神，无鞅之众，浮空而至。说经六徧，东南玉宸大道自然大神，无鞅之众，浮空而至。说经七徧，西南玉宸大道自然大神，无鞅之众，浮空而至。说经八徧，西北玉宸大道自然大神，无鞅之众，浮空而至。说经九徧，上方玉宸大道自然大神，无鞅之众，浮空而至。说经十徧，下方玉宸大道自然大神，无鞅之众，浮

空而至。十徧周竟，十方无极天真自然大神，一时同至，一国男女，同心归仰。来者有如屯云积雾，不可称计，周徧一国，四合浮虚，非可禁止。于是元始摄指飞光，微如炯星，晖耀九色，亭立空玄，照彻上下，去土十仞，洞表见裹，此十方境宛同琉璃，混然一色。元始安座，光晖普极，观此国土如镜中像，天人衣裾，男女形相，丝发皎露，大虚空中，无有纤隔。玉宸大道自然大神，与诸上圣无量高尊，妙行真人，十方化气道品大神，俱从一光，徧摄法体，十百千万，密如层谷，回光返射，容像互映，明透分别，了不杂乱。其国天人来应证者，仰看神光风驰云绕，万圣咸在太虚空中，观妙寂然无体。元始即于道光之内，说此玉宸大道度人之法。周竟，众真监度，以授于我。当此之时，喜庆难言，法事既毕，诸天复位，顷刻之间，寂无遗响。是时，天人遇值大范，普获升度，长生永存。神凝气专，同而无分，倾土归仰，以道为心。无念无为，无思无营，无觉无识，无灭无生，无起无住，无己无名，言合至妙，神飞紫清，齐同慈爱，异骨成亲，国安民丰，欣乐太平。玉宸大道，无量度人，钦信悟解，得道成真。 道言：元始天尊说经中所言，并是玉宸大道上帝内名隐韵之音，亦是高真玉清神王内讳，百灵之隐名也，非世上之常辞。上圣已成，真人通玄究微，能悉其章，诵之十过，万天敬礼，千帝伏听，玉京运摇，海澄岳峙，三景合照，七曜齐明，魔魂灭种，鬼爽绝婴，邪气肃清，三元廓静，槁形白骨，返生还神。至学之士，诵之十过，则五老监盟，四帅下观，三官录功，八史外营，魔王受事，万神礼廷，济天度厄，死而更生。所以尔者学士，心依玉宸，气合道真，威制六天，无幽不闻，勅制三界，招真致灵。但知玉宸，不必流丹，诵咏洞文，道气入身，目睹三元，太上道君，无极无形。轻诵此经，风刀考身，刻名酆山。玄老呼名，供养尊礼，道备德兴，业叶真仙，寿命亿龄，万灾不干，神明护门。斯经尊妙，独步玉京，度人无量，为万道之宗，巍巍大梵，德难可胜。 道言：凡诵是经十过，九帝降轮，诸天遥唱，亿曾万祖，幽魂苦爽，皆即受度，上登玉宸，同与九帝，上奔太霄，为帝之宾。至学之士修诵是经，功满德就，皆得神仙，飞升金阙，成道玉宸也。上学之士修诵是经，皆受护度，飞升南宫，炎火之陵

。世人受诵，则延寿长年，易骨变形，得悟元皇，大道自居，真神长存，气与道同，去浊流清，清为神精，气合灵津，不经地狱，太阴炼形，三官卫尸，太一养魂，虚空，出入八门。此经微妙，普度天人，已生未生，皆得受度，无量之福，生死蒙惠，上天所宝，不传下世。至士赍金宝效心，盟天而传。轻泄大道，殃连祖考，役使河源，撻波鬼域，受报北都，侍经九老，日中灵童、大道玉女各三十六人，扶翊真人，保护受经者身。 道言：正月长斋，诵咏是经，青华帝君、九光真人，为子书名，上拔祖考，亿世之灵，上登玉宸。七月长斋，诵咏是经，炼气成神，神归禹余，大道洪元，炼子神形，身得仙真，记名宝书，妙合天地，永劫无倾。十月长斋，诵咏是经，为帝主人王。溥天之民，君臣父子，育物如天，好生如春，福及万方，境域常宁，宗绪昌衍，永保长生，永镇天下，康乐升平。八节之日，诵咏是经，九阳梵炁，俱来入身，纯阳变体，神气永存。本命之日，诵咏是经，玉宸降房，大道休明，魂魄澡洁，六气内荣，不罹世患，却灾辟兵，六天闭邪，三景挟升，万道开通，帝官奉迎，刻名太微，位登仙卿，功满德就，飞升上清。 道言：行道之日，皆当香汤沐浴，斋戒入室，东向叩齿三十六通，上闻三十六天，心拜三十六过，闭目，静思身坐青紫绛三色云气之中，内外翳冥，有青龙、白虎、朱雀、玄武、狮子、白鹤，罗列左右，日月照明，洞焕室内，项生圆象，光映十方，如此分明。密咒曰： 无上玄元，太上道君，召出臣身中三五功曹，左右官使者，侍香玉童，传言玉女，五帝直符，直日香官，各三十六人，关启所言，今日吉庆，长斋清堂，修行至经，无量度人，愿所启上彻，逕御 无上三十二天元始上帝至尊几前。 毕，引炁三十二过，东向诵经。 元始洞玄灵宝本章，玉宸大道，十合度人。玄真帝书，隐显自然。玉宸之真，眇眇上清。若显若晦，若亡若存，湛然虚寂，交结纷纷，其道至妙。灵化所闻，洞耀九元，横带七宸，左扶豁落，右掖金真，紫霄流响，赤光横奔，缠变其章。大道生根，伏于玉京，萧罗之台，下蟠净霭双池之源，骈出二宫，日月之门，掷火万丈，扫荡氛，洞阳丹华，朱烟八遥，灌炼神窗，昆仑九虚，焰景喻霞，玉神罗英，咽御长楼，玉华散开，神融骨化，万气昭谐，玉宸入玄，

道气成身，灿烂恍惚，混极命仙，道以生神，气以成形，明以卫真，化以敷荣，无往不至，所作立成。太微炼精，幽廓沉冥，碧虚赤境，大道元京，上浮云庭，玄阙高清，禹余化气，周回十方。中有豁落北台之神，中有赤精九和之君，中有泥丸天盖真人，中有金阙辅皇上帝之卿，中有上清三境之尊，中有长生变仙之灵，中有双童流光，赤文结珠，自然玉宸，金真丈人。太霞明堂，少精绿辔，圆规大有，太一召仙，降福度生，天化绵绵，今日御景，万帝临轩。东方无极自然神王，玉宸大道无量度人。南方无极自然神王，玉宸大道无量度人。西方无极自然神王，玉宸大道无量度人。北方无极自然神王，玉宸大道无量度人。东北无极自然神王，玉宸大道无量度人。东南无极自然神王，玉宸大道无量度人。西南无极自然神王，玉宸大道无量度人。西北无极自然神王，玉宸大道无量度人。上方无极自然神王，玉宸大道无量度人。下方无极自然神王，玉宸大道无量度人。十方至真自然神王，长生飞景玉宸大道无量大神。并乘神光九阳之舆，碧霄金根朱鸾之辇，含象万变之绂，清灵洞光之盖，赤幢蔽日，瑶轮碾空。各驾玄晶神狩，黑甲毒龙，攫天辟非，变化无穷。拊（fǔ）须延之璈，击太霄之鼓。紫烟素云，隐现万灵。天驹仗旛，大帅启程，风火合发，神霞散明。垂祥降禧，浮空自来。扬音波虚，伏魔护生，上清司马，高灵总真，玉宸帝司，大道之神，度人应仙，长生大君。佩策执符，齐到帝庭。上极九空，神盖之宫。泥丸之分，三素流晶，玄丹太宁，中黄紫微。上真之灵，普告三元，紫户青房，烟罗云营。玉堂紫婴，伯华之神，化骨之英，双童流铃。金真玉光，二景大神，左转豁落，右电火铃。急催三五，上清吏兵，丹纹紫络，绕匝天经。顾眄飞光，吸纳玉城，下极幽泉，河渚溟冷。曲折之理，黑水内停，玉女转机，金童绞绳。上世玄祖，考罚休停。玉宸道炁，速检号名。罪籍削解，业道无荣，不得拘留，上帝严刑。元始符命，时刻升迁。积夜九都，太溟弱渊，一切魔爽，寒露苦魂，火炼阴塞，焚荡百关，凶奸灭种，速制酆山。玉宸大道，变体生仙，仙炼身度，劫劫无倾。随光引气，神池吐烟，与道同生，寿逾亿年。永度七伤、八难、九厄，步登天门，超凌三境，凤台高轩，逍遥上清。上清之天，天帝

元真，妙空之境梵行。 东方九天 玉宸梵遥天，帝玉真上华。 纪乐元
须天，帝大武洞尤。 抱素冲寂天，帝郁檀波田。 上化重空天，帝乐化
自生。 九光空素天，帝远扶仙。 朱极静修天，帝洞日芝玄。 曲照含
离天，帝子华琅英。 崇仁德修天，帝赤珠咸和。 龙胎曜华天，帝殊冥
梵康。 南方九天 粹华无镇天，帝耀殿六游。 道辩冲容天，帝玉罗仲
神。 濯广滋元天，帝明豫静通。 炎景耀明天，帝无色婴。 福应极真
天，帝虑文次嵩。 玉苑法持天，帝德夷和。 定名紫元天，帝黄文台父。
上极思真天，帝十华高聪。 玄龙隐羽天，帝彰德用光。 西方九天
大无空洞九明天，帝耀日程家。 丹回绿锁天，帝芝元洞生。 觉源赤玉
天，帝回彦明宗。 素明庆奉天，帝赤公伯文。 皇籍度生天，帝长景罗。
境阳浩称天，帝玉神无竟。 芒忽变由天，帝江生慕空。 九畴质阳
天，帝历勤成。 盖车青极天，帝摩多容。 北方九天 中极太素天，帝
理渊躬。 太上广化天，帝丑都九离。 白魂英遥天，帝波帝呵都。 惠
明招济天，帝洪棋荡真。 都照元阳天，帝怙（hù）江子明。 亮极玄竺
化灵天，帝冲范查虚。 子定平无天，帝沙何耀明。 易常究中天，帝玉
台丞。 光空百宗天，帝越景王。 ===首页与分页与分页之间分隔符===

三十六天，三十六帝，玉宸隐讳，玉宸隐名。天中自然，九空灵
章，上清隐道，皇极之真。洞虚之尊，太空之神，玉京秘范，大化之文。
变升之格，开度之灵，九晶十明，明堂降生。玉宸大道，深不可详。
豁落七真，普度天人。其道至重，下真匪闻。身佩五斗，头建三辰，飞
神景霄，和合至真。今日欣庆受度，历关诸天，刻名丹籍，招真命仙。
紫度炎光，气入太玄，斩绝五道，夙负咸原。三灵共举，五帝同轩，道
成上清，无拘天门。东斗肇形，西斗运精，北斗育质，南斗降神。绕身
缠络，太上千真，金玉混光，掷奔火铃，中斗帝宫，摄告万灵。青帝授
符，白帝摄兵，赤帝执法，黑帝典刑，黄帝居中，万境保宁。青天上灵
，玉光次明，赤天上灵，宝耀圆成。白天上灵，皓素虚明。黑天上灵，
太乙干精。黄天上灵，伯常子京。五方玉宸，三界同宾，腾天倒地，电
激雷奔。周行十方，下察杳冥，神帅统制，亿万神兵。巡山索海，旌佩
纷纭，变化太空，神机乃分。敢有干前，斩伐横吞，玉宸降命，驱荡不

祥。苍禽振羽，长蚪列张，黄神前冲，赤帝持旛。射火无极，大杀扬鞭，八景清邈，十华列言。皆奉玉宸，自然至真，玄符所告，辘天辅轮。诛魔灭丑，火令无文，万万千千，馘绝袄魂。天兽吐毒，电火喷云，速送三官，检捕无停。有害正道，追命北君，玉宸大道，感彻帝尊。云麾羽葆，上朝玉清。混劫帝历，精潜太明。华芒倏变，九道开生。洞楼日月，玄耀双睛。内彻泥丸，赤文之庭。琳条结气，奔飞火铃。左净右霏，三府澄清。运用挥击，威化天京。左为金真，右为玉光。回翔八极，石景中房。身登太霞，位列仙王。玉垣上妙，道所经常。九丹太微，绛阙瑶房。洞空洞无，洞阴洞阳。非相非名，非短非长。流辉琼室，仰饵玄霜。骨化柔金，神度天梁。上宾蕊渊，日池龙塘。太乙执绥，玉女捧觞。天老持符，开化无疆。普授要言，刻书青琅。解脱九幽，扶飙散烟。凤历赤书，龙章隐篇。密布五气，度人亿千。据衡揖魁，功归上玄。大轮运转，三十六天。上通神宫，九帝真轩。司马注书，太史保延。过度日月，合宫蕴迁。施政荐音，大化绵绵。包罗六虚，阳景交缠。十过九周，气合三元。元中太嫔，碧霄飞裙。七真御合，上景灵尊。玄中至阴，紫阙大神。神居玄丹，绛台生根。雌一玉检，黄道生烟。无量度人，大洞青编。游体玉华，摄命帝仙。风为火偶，出没无间。梵谣激气，天声舞玄。紫云合荫，白素回旋。玉宸浮盖，校籍万仙。一合再合，自然至真。流精五色，太和入身。身中之真，泥丸尊神。辅卿弼仙，三元帝君。守护玉阙，调养生元。玄一老子，林夫太真。白元蕊珠，紫元炼精。明堂三晖，玉宸度人。移化就变，万气高分。太清太极，冥空上灵。锦衣星裾，龙袍虎文。摄气保命，亿圣同伦。茫茫至化，妙立无垠。上游上清，出入太微。八景之内，大有之机。下镇人身，苍碧丹池。中合五气，服御晨晖。左顾右盼。七祖同飞。仙贵长生，生道贵真。真神得道，无量度人。上开玄关，四辟八门。中有至精，泥丸夫人。手攀神光，身流紫云。玉宸至重，道非远神。神明得真，真气合生。上清灵章，列奏诸天。诸天致神，今子知真。三元之上各有生门。中有飞神化气之章仙王玉章，辞参高真。第一下元玉宸大道碧空仙王之音 云光冲融。霄风八通。绿舆朝旌，命驾神龙。玄海澄碧，朱旗摄魔。九天齐


威，振荡百邪。是我泥丸，灵光飞霞。流烟八道，苍晶玉罗。紫宸道成，灌气三华。元量度人，书功帝君。元始符告，天策纪名。超离幽壤，飞度朱陵。帝庭萧仞，化炼形魂。第二中元玉宸大道紫洞仙王之王章 晖晖紫微，眇莽八维。化形御玄，周【日+阌】（左右结构）灵围。

天河灌津，杓昂魁低。玉瑯繁明，大珠小玑。群星摇光，随指帝旗。安座紫宸，流金四晖。朱烟洞开，火精飙驰。中有老人，绛章云衣。升我玉京，下观郁仪。徊风煽飙，合景希夷。日童混珠，照映中规。腾辉亿境，二气合离。道秘玉真，厥诤渊池，手执长戟，腰带琼蕤。左权右衡，丹蛇玄龟。赐我度人，上清同归。第三上元玉宸大道太虚仙王歌曰 吐气成龙，嘘气生风。严我神驾，蹈景飞空。日月运转，交会无穷。不见我神，神与虚通。子问大道，道何形容。殊不能知，泥丸洞楼。神盖蔚荟，正化兴隆。养炼尔神，郁秀双童。流铃掷火，朱光九重。周行八极，天运刚渊。炼阴灭袄，侍宸玉垣。此道玄妙，洪福绵绵。此三空之上，三元宫中，玉宸仙王度人之音，音参洞章。诵之百徧，名书上清；诵之千徧，三元降庭；万徧道备，飞升上清。治按三元，万神礼庭，有闻灵音，仙王保真。勅制三界，指策千灵，永灭地官，五司考神。出入无难，里社送迎，九祖炼化，魂魄超升。是谓玉宸，道成至真，度人无量，太极简名。有秘上清文，诸天共所崇。泄慢沉幽牢，永谢太极翁。道言：此玉宸洞章，皆诸天上帝，及三元仙王隐秘之音，皆是大梵之言，非世之常辞。其言混沌，其文天成，故于秘妙不可思详。上清所宝，秘于玄都紫微上官，依玄科四万劫一传。若有至人赍金宝质心，依玉宸付授之格，告盟九帝，然后而传焉。道言：二仪运行，亦有终起。七政九宫，亦有灾次。至真道士，亦有隐显。末学之夫，亦有疾伤。凡有此灾同气，皆当齐心修斋，六时行香，十徧转经，以玉宸大道秘重之力，天回地转，神安鬼息，福德立降，消诸不祥。玉宸洞文，普度无穷。道言：夫末学道浅，或仙品未充，或知行玉宸未悉，道要不悟，自然以心为托，堕于有数。运应灭度，身经太阴。临过之时，同学至人，为其行香，诵经十过，以度尸形如法，则神宫缜密，泥丸坚固，流铃内焕，玉宸涵光，尸炼魄灭，魂神上升，随其学功，

计日而得更生。阳火入身，还其朽形，灵肉布体，忽然更生，转轮不惑，位登高仙。道言：辰申数极，劫穷运否，亦当修斋，行香诵经。黄赤改度，勃蚀凌犯，亦当修斋，行香诵经。时令胜郁，支干不和，亦当修斋，行香诵经。国境水旱，兵戈四兴，亦当修斋，行香诵经。疫疠流行，鬼神害伤，亦当修斋，行香诵经。师友命过，亦当修斋，行香诵经。夫斋戒诵经，功德甚重，上消天灾，下消人祸，保延帝王，亿载之寿，安宁国家，以度兆民。生死受赖，其福难胜，故曰无量，普度天人。道言：凡有是经，能为天地帝主兆民，行是功德，告礼玉宸元皇至真，有愿之日，发心修斋，烧香，诵经十过，皆上清记名，万神侍卫，右别至人，得为圣君，长生大帝，王府之臣，诸天注其道功，表着玉宸。疏功录过，不失毫分，三元仙王，亦保举尔身。得道者，乃当洞明至言也。

上清天中玉宸大道隐语灵音道君譔 元始玉章首篇 东方八天 梵无眇虚，玉会娄京。玉明帝刚，华达宛须。明落智闇，昧孤成图。栢大除极，涓冈茂禺。翳勤烦宛，提定玄谟。卓景浩澄，玉目高苏。圭华驱邪，辩流琼胡。文殿正利，猛鄙员都。月津凝辉，光神洞珠。南方八天 京蔚嵯（cuó）会，紫律夷余。注极烂炎，招来牛坚。猛火极回，素道怀然。古真元冲，气渊龙崇。刚严鹄益，驾聿乘容。乾知挺格，冥治呼玄。玉罗京孱，都开度轩。九命沙摩，绿铲缘连。升行周度，泰广交缠。西方八天 斗胃亢泰，紫流衍卢。擎河赤蹊，转止闻于。无极耿焰，历块扶罗。天旌皓精，眇神焕都。帝历卯室，真丙西徂。懋觉月印，池澄求孚。道希采利，正质滋延。凭逋溟海，渊力徒虚。鉴净极越，四洞兰储。北方八天 稼元索灵，听孤自几。迟齿日纪，丘华纶维。火炎飙举，驰兆圆时。命籍绿荆，秀符偃稽。陀诸号育，庆舒景扉。一式玉垣，依衍弼希。箕侍句尾，臻童党持。彦度清灵，云衔紫移。风禁寂传，太玄竟奇。道言：此上清天中，玉宸大道君之隐文，玉帝所秘，无量之音。旧文书太空华盖紫微垣上境，绿字蟠屈，广长一丈。天真皇人昔书其文，以正天音。有知其音，能斋而诵之者，上清诸天，皆遣三元仙王，玉宸万真，下鉴子身，书其功勤，上奏诸天，四司凛节，九宫拜迎。心未通悟，但诵其文，仙王保任，飞升玉京，游

宴洞阳，高奔紫庭。此音玉宸大道之章，无所不感，无所不明，无所不镇，无所不营，三元用之，无所不神，天真上帝自然至真之音也。故诵之则八素合景，神光映形，泥丸之中，森列万神，玄真大君，告子以妙道也。日诵此经，耳聪目明，发毁更生，自然契玄，金真玉光，徧绕尔身，神宫振畅，万气归真，千圣降霞，道海明清，无极开济，大量玄玄也。 》涵芬楼，便于阅读，全部改为简体字。）



[下载本文pdf文件](/pdf/8480-灵宝无量度人上品妙经卷之二.pdf)